

是然此身者法亦如是本性如是如是法性
 曾未解脫以要言之又若觀所棄屍於塚墻
 閒蛆蟲啣食不淨臭穢我與此身亦復如是
 餘如上說乃至復次向悽慘道觀所棄屍肉
 銷骨現筋纏血汚我與此身亦復如是餘如
 上說復次向悽慘道觀所棄屍血肉都盡身

骨相現餘筋尚纏我與此身亦復如是餘如
 前說復次向悽慘道觀所棄屍唯有眾骨散
 擲異方所謂頭骨足骨腰骨背骨頸骨臂骨
 等我與此身亦復如是餘如前說乃至復次
 善現菩薩摩訶薩脩般若波羅蜜多行時向
 悽慘道觀所棄屍唯有骨在風飄雨漬白若

珂貝我與此身亦復如是餘如上說復次善
 現菩薩摩訶薩脩般若波羅蜜多行時向悽
 慘道觀所棄屍唯有骨在經歷多年變異青
 色如泥處地碎末為塵我與此身亦復如是
 然此身者法亦如是本性如是如是法性曾
 無解脫

八末

論曰以不淨觀對治貪者則脩慈觀對治瞋
 恚此乃平等若不樂觀眾生者此或於一飲
 食發生愛樂則於他妙樂怖求稱讚無不受
 樂慈者度貪欲因緣不著染愛是義有三種
 無盡意經云謂初發心菩薩脩眾生緣慈已
 習行菩薩脩法緣慈得無生法忍菩薩脩無

緣慈

大乘集菩薩學論卷第十四

會

大乘集菩薩學論卷第十五

西天譯經藏經本卷論攝小經卷之六師曠野門目攝等奉 認譯

治心品第十二之二 亦名禪定波羅蜜多品
 復有佛緣菩薩緣聲聞獨覺緣來生緣等彼
 眾生緣者謂先樂與利益安樂以禪定意與
 彼慈故或有知識客寄近住以已聚落如佗

會二

聚落乃至於此一方解脫如是汝緣十方佛等亦無厭怠如金剛幢迴向中說具足修習菩薩行者若所見色對治於愛如是乃至聲香味觸法對治於愛則無罪犯是淨是善最上光潔超諸妙樂生適悅意起淨信樂發生踊躍安住極喜於分別心不生退惱心意調

柔諸根猛利常受妙樂如是迴向一切諸佛轉復迴向諸佛般若而得具足不可思議佛妙樂行然未同佛得善攝受三摩地樂由是力能展轉得佛無量妙樂具足無量佛解脫樂攝受無量佛神通樂得善攝受無數諸佛無著行樂得佛自在如彼牛王所至遠近速

疾妙樂畢竟獲得無量佛力了知一切寂靜無生無滅等樂於無著行而常等引得諸如來不二集行無瞋妙樂是為菩薩常以如是善根迴向如來迴向菩薩者謂於意樂未圓滿者迴向圓滿於一切智未清淨者深心清淨一切波羅蜜多未成辦者為令成辦發善

提心猶若金剛令一切智鎧無有退屈若令一切智鎧無退屈者則於菩提妙樂隨所輕安於諸善道無所退向平等安住一切世間圓滿大願修習一切菩薩之行了知菩薩利根神通由斯善根證一切智以如是善根義故迴向菩薩又若學佛教者一切聲聞辟支

佛等亦以善根如是迴向若有眾生一彈指頃聞佛法聲及賢聖眾為作尊重以此善根迴向阿耨多羅三藐三菩提所謂念佛圓滿迴向念法方便迴向尊重聖眾迴向不離見佛迴向清淨心迴向通達佛法迴向所修無量功德迴向清淨一切神通善根迴向斷諸

法疑迴向是為於聲聞辟支佛等學佛教者之所迴向又被菩薩亦以善根迴向一切眾生所謂遠離地獄道迴向斷除畜生道迴向與琰摩羅界妙樂迴向斷除墮諸惡趣迴向令彼眾生樂欲增長無上菩提迴向為令深心得一切智心迴向不謗一切佛法迴向畢

竟成就一切智地迴向畢竟清淨一切衆生
 迴向以無量智迴向一切衆生乃至所有飲
 食衣服卧具病緣醫藥於身承事去來坐立
 種種作業住律儀道於律儀道不生瞋恚身
 語意業如善修作密緻諸根而或自身消息
 按摩等事衆味飲食若開若合若觀不觀若

卧若覺而復自身詣彼承事菩薩於一切智
 緣平等相應者無不迴向彼一切智心樂利
 樂一切衆生乃至意常救護一切世間發起
 善根遠離憍逸以要言之令諸煩惱不復現
 前為諸菩薩之所守護決定勤求一切智道
 愛樂親近諸有智者乃至而能修習一切善

根速得圓滿相續諸行以要言之彼畜生趣
 者或以少飯而能施與令彼一切得生善趣
 如是利益解脫迴向彼畜生者是為苦海是
 苦所取是為苦蘊是名苦受是為苦聚是苦
 遷流是苦邊際是苦根本是苦依處於彼衆
 生不退迴向又彼一切衆生緣者謂於衆生

現前作意由先所作善根發菩提心迴向一
 切智故不墮輪迴離諸險難得佛妙樂現前
 無礙超輪迴海永斷相續照明佛法起大慈
 故如最勝金光明經慈悲藏伽陀云

是金光明 最勝金鼓 所出妙聲
 遍三千界 能息地獄 及餓摩羅

會二

三

乃至人中 貧窮苦等 又此金鼓
 滅除世間 一切障惱 亦願衆生
 得除恐怖 如牟左尊 寂靜無畏
 如諸聖人 處生死海 修一切智
 如彼所得 勝慧等持 及菩提分
 功德大海 又此鼓音 願諸衆生

獲斯梵響 如佛證已 勝妙菩提
 轉淨法輪 住無數劫 說法利生
 滅貪瞋癡 煩惱衆苦 若有衆生
 住於惡道 為火所燒 身常洞然
 聞斯鼓音 如教誨言 令歸佛寶
 又令衆生 得宿住念 於百千億

俱胝生中	念牟辱尊	聞甚深教
又此鼓音	常得近佛	淨脩善行
遠離罪惡	乃至偈云	又諸刹土
一切眾生	息除世間	所有諸苦
又若眾生	身分下劣	根缺減者
普得諸根	悉皆圓滿	若疾病者
身形怯弱	隨其方處	無所依怙
解脫眾病	得獲輕安	根力克實
又若眾生	王法所加	生種種怖
及多憂惱	彼諸眾生	苦難若至
最極惡事	百種怖畏	悉令解脫
或復捶打	枷鎖繫縛	種種苦具
逼切其身	又復無量	百千種類
憂畏愁歎	間擾其心	牢獄繫閉
打撻楚毒	一切解脫	被臨刑者
透活軀命	眾苦雖至	得無怖懼
又若眾生	飢渴逼惱	令得上味
美膳飲食	盲者備觀	眾妙色相

聾者得聞	適意音響	彼裸形者
得細軟衣	貧窶眾生	得眾伏藏
倉庫豐饒	眾寶嚴飾	一切眾生
獲斯妙樂	無一眾生	受諸苦報
諸相端嚴	人所樂見	飲膳豐饒
福德具足	常得受用	無量妙樂
壁篋簫笛	眾妙音聲	隨彼心念
應時現前	念水即現	清淨池沼
金色蓮華	及優鉢羅	遍覆其上
隨彼心念	應時現前	乃至偈云
塗香花鬘	和合末香	每日三時
從樹而雨	眾生取已	咸生喜悅
供養十方	不可思議	一切如來
菩提妙法	諸大菩薩	遠塵離垢
諸聲聞眾	得離一切	卑下種族
及八難處	常值無難	最勝中王
常得親近	諸佛如來	乃至偈云
願諸女人	得為男子	剛健勇猛

智慧聰利 而常修行 諸菩提道

六波羅蜜 見十方佛 在寶樹下

處琉璃座 安隱快樂 圍繞恭敬

聞說妙法

論曰此略明慈行對治於瞋以緣生觀對治於癡今當說是中緣生義者稻釋經說云何

內緣生法繫屬於因謂無明緣行乃至生緣老死若無無明則知無有行乃至若無有生則知無有老死又若實無明滅則行滅如是乃至生滅則老死滅又彼無明不念我從行起行亦不念我從無明得起如是乃至生亦不念我從老死得起老死亦不念我從生得

會二

五

起若實無明起者則行起不可得如是乃至生起則老死起亦不可得應知是為內緣生法繫屬於因復何內緣生法繫屬於緣謂地水火風空識等界和合於內繫屬於緣云何地界謂令此身聚集而轉堅硬為性說為地界又若令身攝持造作說為水界又若令身

煖性現前飲食成熟說為火界又若於身造出入息說為風界又若於身中有竅隙說為空界謂此名色猶如交蘆令五識身相應繫屬有漏意識說為識界若非此緣者則身不轉若內不闕地界如是水火風空識界亦無闕減彼彼和合則身定轉故然此地界不念

我能令身堅聚水界不念我能令身攝持造作火界不念我能令身溫煖飲食成熟風界不念我能於身作出入息空界不念我能於身中成竅隙識界不念我為緣生由是緣故身定得轉又此地界無我無人無眾生無壽者無意生無孺童非男非女亦非非男亦非非女無自在無主宰無此無彼及無所有如是水火風空識界亦復無我無人無眾生無壽者無意生無孺童非男非女亦非非男亦非非女無自在無主宰無此無彼及無所有復次無明者是義云何謂於此六界之中起一想合想堅固想常樂我淨想眾生壽者意

生儒童想自在主宰等想如是種種無智說為無明由此無明謂實有境起貪瞋癡即彼貪瞋癡境此說為行於事表了此說為識識俱生時彼四取蘊說為名色又此名色所依諸根說為六處三法和合此說為觸由觸領納此說為受受耽著故此說名愛愛深廣故

說名為取取能生有有復生因由是蘊起名生蘊熟為老蘊滅名死癡瞋沫著畏死名憂追惑傷歎名悲五識相應不常領納名苦作意和合極苦名惱如是引生隨煩惱等乃至總略

大乘集菩薩學論卷第十五 會二 六末

大乘集菩薩學論卷第十六 會三

聖善三藏經大矣試為摩少知宜梵天師賜紫沙門臣具稱等奉 謹譯

治心品第十二之餘

後次所說真實行及邪妄行謂無智無明由是無明起三種行謂福非福不動行等此說是為無明緣行又此福行非福行不動行等

隨所得識之所招集此說是為行緣識此今詳合有識緣名色一如是名色及名色增長於六處門造作所起此說是為名色緣六處又此六處六觸身轉此說是為六處緣觸若觸生時令受所起此說是為觸緣受若受美味深喜樂著此說是為受緣愛喜耽味故若處

樂色色離散時數數追求而不棄捨此說是為愛緣取如是追求今後有起身語意業此說是為取緣有若業遷謝令蘊生起此說是為有緣生又若生已變異令熟及壞滅時此說是為生緣老死乃至是中由識等自體為種子業自體為良田無明愛等自體為煩惱

以業煩惱等令識種生者謂此業為識種田事愛為識種沃潤無明為識種開發然業不念我為識種田事愛亦不念我為識種沃潤無明不念我為識種開發是識種子亦復不念我為眾緣所生然識種子住於業地以愛沃潤無明滋長生名色芽此名色芽非自作